



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CDX. Bischof Dieterich von Lubus ermahnt die Vorsteher der
Liebfrauenbrüderschaft zu Frankfurt, das unmäßige Trinken abzustellen,
am 5. Juni 1513.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

Sachsen, Pommern vnd Wentlant, Ordens sant Johannis gemeine gebietiger, von wegen des gantzen ordens gegen genanten Marggrave Ludwigen, seligen vnd Vnser Burgere Vnser Stat Franckfurth verschriben die Strafsen, wie berurt getrewlich helfen, schützen vnd schirmen, auch mit der that, so es die notturfft ereicht, zu vervolgen, alles nach meldung der Brive darüber aufgangen, vndertheniglich bittende, damit die Nyderlage, so sie von anfangk der Stat gehabt vnd nuve durch Vns auffgericht vnd bestettigt diser Bas in ire standt vnd wesen kommen mag, solichen vorberurten artickell der Wagenfarth vnd Strafsen halben zu bestettigen vnd confirmiren, das Wir angesehen vnd erkannt haben ire billiche fleisig bete, auch getrewe gutwillige Dinft Vns vnd Vnser herrschafft erzaigt vnd Inen solichen artickell der Wagenfarth vnd Strafsen halben in allen seinen punkten vnd Wortten vornewrt, confirmiret vnd bestettiget, vernewen, confirmiren vnd bestettigen denselben Artickell, wy vorstett, in Krafft vnd macht ditz Brives vnd wollen in ernstlicher meynung, das die Strafsen vnd Wagenfarth mit Kauffmansgütern von bayden taylen der Oder auff vnd nider durch Vnser Stath Franckfurth vnd sunft zu keinerley weyfs anders wo noch auf Lantsperg oder an andern ortern dan auff Cüstrin, die Oder herauff vnd auf Clossen vnd Reppen die Oder herab vnd alfort gegen Franckfurt geen vnd fharen sollen vnd wo ymandt da entgegen thun vnd fremde Strafsen suchen wurde, sollen vnd mugen sy verhindern vnd auffhalten, getrewlich vnd vngeverlich. Czu vrkunt mit Vnserm Marggraven Joachim Churfürftlichen anhangendem Ingesiegell vorsiegelt vnd geben zu Cölln an der Sprew am tag Valentini, nach Cristi geburt im funffzehn hundersten vnd Zwölfften Jare.

Aus einer alten Copie und dem Cop. des Frankf. Stadtarchives I, 21.

CDX. Bischof Dieterich von Lubus ermahnt die Vorsteher der Liebfrauenbrüderschaft zu Frankfurt, das unmäßige Trinken abzustellen, am 5. Juni 1513.

Dittrich, von gots gnaden Bischoff zw Lubus, Vnsern gunstigen grus zuuorn. Erfamen lieben getrewen, Szo dan aus hoher Vorsichtickeit vnd vngezweyfeldt aus eingebung eins heyligen geystes den gewercken bey euch das ghemeyn byr, so sie Jerlich getruncken, abgeflogen vnd abgestellt worden, werden wir berichtét, das ir in ewer Brüderschaft ghemeyn byr vnd dafelb etliche vnder euch zu einer vbermafs trincken sollen, Das dan, wie es auch bequemer mafs geschehe, dennoch den andern, die nicht behorlichs mafs in dem trincken woll wissen zu halten, die auch ir ghemeyn byr trincken, nicht on vngedult vnd verdrufs abgestellt: widderumb, so sie das von den fürnemsten in vbung vnd gebrauch funden, zu schedlichen Dingen anzeygunge geben wurden. Dieweyll dan ewer Brüderschaft der heyligsten Junckfrawen der Mutter gotts gnant, die altzeyt eynes Messigen Lebends vnd vngezweyfeldt truncken vnd vnmessigen Bruder nicht geliebet, Ewer auch ein gros teyll der fürnemsten vnd Regenten des Volcks vnd ghemeyner Stadt findt, Ist an euch vnser sunderlich vleiflich beger vnd ermhanunge, ir wollet dis thundt des trunckes euch selbst vnd ghemeyner Stadt felickeit zu nutz vnd eren abstellen, daraus die anzeygung dem ghemeynen Volcke mher schedlich zur felickeit der selen vnd abbruch der nharung, wan

die gotts dinste, die In der Bruderfchafft gefchehen, gott dem Almechtigen vnd feiner heyligen gebererynnen gefellig vnd annhemelich fein werden. Nicht doch, das wir in difem vnferm fchreyben die Erlichen Bruder vnd Bruderfchafft, der wir vill vnder euch wiffen, funder ein vnmeffig vnd vnnoturftigs trunckenheit wollen angefuchten vnd vorkommen haben. Ist auch an euch, den das Regyment ghemeyner Stadt befolen vnd vnder euch Brüdern der Brüderschafft begriffen neben andern rathsfrunden vnser funderlich beger, Ir dife vnser veterliche warnunge an die Bruderfchafft der gewandtschneyder vnd andern vhus furwenden, sie fych diser vnser ermanunge aus herzlicher liebe, die wir zu euch Allen tragen, auch zuhalten wollen gelangen laffen. Dis haben wir euch also ewer szelen forger aufs gnad vnd liebe euch zu felickeyt vnd ghemeyner Stadt zu eren vnd gutte nicht wollen verhalten, Hofflich Ir vnser veterliche waifunge zu Hertzzen nhemen vnd nachstellen werden, kumpt vns zu funderlichem gefallen In gunfte vnd gnade zuerkennen. Datum Lubus, am Sontag nach Erafmi martiris, Anno etc. XIII.

Nach dem Orig. des Stabtarhives VIII, 3, 76.

CDXI. Der Rath der Stadt Frankfurt belehnt einen Bürger mit Hebungen vom Rathhause zu Frankfurt, im Jahre 1514.

Wir borgermeister vnd Ratman der Stad Franckfurt an der oder, bekennen vnd thun kunt offentlich mit vnferm brieff vor vns, alle vnfre nachkomen vnd funft vor allermeniglich, das wir dem erfamen Caspar zeifen, borger zu berlin vnd feynen menlichn lehens leibes erbn XXIII szoc geldis merklich ierliche zins vnd rente vf vnferm Rathaws, Inmafen die wynand vnd peter, die petersdorffer, gbruder, von vns zu lehen jnne gehabt vnd genossen habn vnd gnantn Caspar zeifen erblich vorkofft vnd vor vns wie recht vorlafen, zu rechtm manlehen gelihen habn vnd leihen jm vnd feynen menlichn leibes lehens erben obengeschribene zins vnd rentn zu rechtm manlehen, wie obftet, jn krafft vnd macht dits brieffs also, das er vnd feyn menlich leibs lehens erbn die hynfurder mher von vns ader von vnfer nachkomen zu rechtm manlehn haben, so oft es not thun wirt nemen vnd entpfahn, vns auch darvon thun vnd pflegen, als mans lehens recht vnd gwonheit ist vnd wir leihen juen hiran alles, was wir jnen von rechts wegen daran vorleihen sollen vnd mogen, doch vns an vnferm vnd funftyderman an feyne recht ane schaden, zu vrkunt etc. XIII^{ten}.

Aus Leymlers Copialbuche des Stabtarhives fol. 9.